



hallo komp.

27257

Mag. S. D.

P

*Arvamat*


*1872 IV. 162.*

*Wort 3470*



4385.







47

9



ACROAMATA  
PERENNIS GLORIÆ  
ILLVSTRISSIMORVM  
COMITVM

*A*  
TARNOW,

E memoria vetustatis in breue com-  
pendium, cum suis Elogiis

R E D A C T A.

*Superiorum Permissu.*



C R A C O V I Æ,

*Ex Officina Typographica Francisci Cæsarij,*

Anno Reparatæ Salutis 1647.



ORTA NVNQVAM OCCIDIT.  
GENTILITIA LVNA TARNOVIORVM.




Syderibus cuinam geminis Insigne coruscat,  
TARNOVII Comites, lampade vtraq; nitent.  
TARNOVIIS potuere decus tantum astra dedisse?  
Imò super, meritis contigit, astra, locus.

27257. I.







ILLVSTRISSIMO DOMINO  
D. MICHAELI  
COMITI à TARNOW

In Wielowieś, Dzikow, & Zborow Hæredi,  
CASTELLANO  
WOYNICENSI, &c. &c.

Domino & Patrono Colendissimo.



*Ensis marorum tenebris, propter  
luctuosum, ex hac vita, discessum  
ILLVSTRIS Domini THEO-  
DORI CAROLI Krzepicen-  
sis &c. Capitanei, nepotis tui Cha-  
rissimi. ILLVSTRISSE DO-  
MINE, obnubilatam Gentilitiam LVNAM Tuam,  
pristinæ ut restituam claritati, ex vetustis Autho-  
rum monumentis, quasi ex umbris, in lucem educere  
auet animus. Absit ut etiam pullato velata amictu,  
LVNA TARNOVIA non luceat? Cuius clarissi-  
ma in Deum, Patriamq; merita, nunquam ita sub  
umbra alternantis fortune latitant, ut non appareant  
clariora. Altorum sunt ista fata, ut eadem quâ cor-*



pus urna, absorpta contineatur & fama. Domus vestrae semper Incluta, neminem Orbis Lechicus vidit: cuius egregie facta claudantur sepulchro. Lucetis o Illustrissima Luminaria, nec iam tempora, sed ipsam eternitatem serenatis. Vnde quod lux Solis, vel Luna in caelo, id mihi Illustrissimorum genus TARNOVIORVM semper visum. Ad illorum caelestium Planetarum fulgorem, humanus caligat oculus, ad vestri, TARNOVIANI, inquam, syderis, splendorem, elinguem omnem necesse est esse eloquentiam. Concinnaueram nihilominus ego aliquid simile, & quidem in alio vitae statu, circiter ante tres decades annorum, in gratiam Illustrissimi Domini Gabrielis Comititis à Tarnow, Fratris tui ILLUSTRISIME DOMINE uterini, (qui postmodum & Generalis Capitaneus Cracouiensis fuit creatus) verum enimvero cum ad paucos ea Decora Familiae Tuae deriuata esse sciam, ne aliquam Tibi, Tuorumque Maiorum, praecclare factis attulisse iniuriam videar: ut in sequentem quoque posteritatem, tantus Natalium Tuorum splendor, radios semper fulgentes, projiciat, quasi de nouo, eorum illibatam gloriam. Typo excitare decreui. Ratus hac ratione meum Religiosum studium Tibi acceptum fore, si Tua, earumque innumera, perenni Senatorum successione firmata sydera, ab occasu obliuionis, vindice arrepto calamo, liberarem. Quem totum meum ingenuum non tam laborem, quam potius pium quendam conatum, ad lucem coruscantis Tuae Lunae, tum vero  
& ad




Et ad lumen radiantis, in Clypeo Tuo Gentilitio, Stella, confectum esse scias; Quomodo enim de luce, sine luce scriberem, nisi Tuum hoc splendidissimum Stemma, facē mihi praeferret? Atq; dum insigne hoc Tuum, Fausta Polonorum, per varios Senatus Sarmatici Principes, pluribus deducunt, ac deprædicant, mihi paucis, Et quasi per crinem, omnes Et singulos, cum suis Elogijs Symbolicis, utriusq; Suadæ afflatu, attigisse sufficiet. Saltem ut Illustrissima Tua proles, quæ interea in spem magnam Familiæ ornandæ adolefcit, habeat, unde vitæ morumq; exempla, vestigijs Maiorum insistentes, excerpant. Tu interea pro gloriâ sanguinis, qui antiquissimus est, proq; Magnificentia TARNOVIANA, quam Tuo Illustri Nomini addictis, præstare consuesti, me unâ cum Ordine meo Proto-Eremitico benèvole complecti non desinas. In reliquo Tu DIVA nostra CLAROMONTANA, Princeps Regni TVTANA, annue, ut Illustrissimis Comitibus à Tarnow, adsit inuicti animi, corporisq; robur. In Canobio Clari Montis Czestochouienfis, Anno Salutiferi Partus 1647.

Illustrissimæ Magnificentiaæ Tuæ  
Humilis deprecator

FR. IOANNES DIONYSIVS ŁOBZYNSKI

Ordinarius Prædicator  
Clari Montis Czestochouienfis.





*Ad Beneuolum Lectorem.*

**E**Logia quæ cernis, sine Imaginibus vt afferrem, necessitas coëgit. Quibus incidendis, si sagax artificum apposita fuisset manus, non contemnendum scriptioni accessisset pondus. Sit satis, ad omnem fortunam & gloriam Illustrissimorum Comitum illustrandam, omnem eruditionem, symbola sua contulisse, vt nulla sit virtus, nulla eorundem merita (potissimum ab Historijs Lechicis celebrari solita) quæ non Hiroylyphicis figuris clariora reddi possint. Ex multis pauca hæc deliba, vicem Emblematum penicillo exprimendorum, Lemmata & versus præfixi obibunt. Subiecta Historia, etiam ad vltiorem cognitionem, quasi manu te deducet. Lucem super omnia dabit, hoc ipsum Sydus TARNOVIVM, quod & ipsos coelos ad æmulationem prouocat. Nec plura his addo, quâ prudens, & bonus es, benè sit tibi.





FONTES ELOGIORVM  
ILLVSTRISSIMORVM  
COMITVM

A

TARNOW.

- I. Gens Antiqua.
- II. Sanguis verus Comitum.
- III. Diues opum, vestis, & aulæ.
- IV. Fida pectora Principum.
- V. Subsellij Regum Affines.
- VI. Herculeæ Possellores clauæ.
- VII. Martis Sarmatici Successores.
- VIII. In periculis Viri.
- IX. In pace Ciues.
- X. In Toga Senatores.
- XI. In Sago milites, Domi beneuoli,  
Foris non inhumani.

XII.



XII. In Patriam Pij,  
In Deum religiosi.

Vtriusque fortunæ, viuentis & vi-  
dentis, cæcæ & volubilis pol-  
lentes potentefq; Domini.

Abfit verbo inuidia!

Astra sunt,

Sydera sunt,

Lumina sunt.

Micant inter Orbes

Velut

Luna Minores.

Abi hinc, semper Magnorum æmu-  
la inuidia.

Quod si nec dum nitidis desistis

Obmurmurare astris,

His te Symbolicis enecare lubet

Elogiis.

ELO-



Lapis Lydius, Antiquitas.

Nec heri, nec hodie nata, aut, quam auiâ vetus primis memoraret ab auis. Numera, octoginta duos supra mille annos, T A R N O V I I florûere: quos, si cum nostra contuleris ætate: Quingentis triginta quinque, magna in fortuna regnasse videbis, Solibus, Felix Sydus, quo æuiternum hoc ger-  
men in terrâ consitum, honoribus alitum, virtuti-  
bus conseruatum. Hoc quippè testis incorrupta,  
veneranda proclamat antiquitas, Sarmatæ, su-  
spicite.

Páprocki in  
Stem. Le-  
liwá.

Perennis fluuius honorum.

*Aliger assurgit, quatiens pede, Pegasus auras,  
Fronte sua nitidus labitur humor aque,  
Hinc factus plures rapit aluo rinulus undas,  
Et tandem fluvius, fontibus exiguis.  
Rex à Rege venit, Duce Dux, è Principe Princeps,  
TARNOVII Comites, nonnisi de Comite.*

B

## Consule



Consule Iustinianum Comitem appellabit, qui in domesticos Regis imperium habet. Pyrrhum interroga, Comitem describet, qui Regi à latere est, aut quem numerosa comitatur Nobilium ceterua, an non hi TARNOVII? Res pro ipsis loquatur. Quotusquisque non fortunatus Imperator? quotusquisque non amplissimus Senator? quotusquisque non Regis amicus? vno minorem folio quendam reperies. Dubitas? Polonos non nosti? Quod si hoc non placet, & nasci potius Comitem, quam creari lubet: velut à primo ouo, vsque ad extremum numerando pullum, Comites inuenies; neq; enim à Cespite suo virgulta discrepant: aut procul à proprio stipite poma cadunt.

### ELOGIUM III.

#### L V X V R I E S O P V M

Nullibi maior.

*Capra bipes graditur nutrix celebrata Tonantis,  
Fructibus ex humeris cornua plena ferens,  
Talis Amalthea antiquis est credita sacris,  
Copia quâ Nymphis, est data diues opum,  
En monumenta Patrum; dubitas? hac Consule quantum  
Diuitijs potuit, TARNOVIANA Domus.*

De opibus TARNOVIÆ Gentis, non tam dictu, quàm creditu difficile: Testis Cromerus, Ioannem Primum Melstinium Palatinum, vt vulgò loquuntur, Cracouiensem, secundum à radice huius Prosapiæ truncum, vniuersa Inferioris Russiæ, & Podoliæ



Podoliæ Dominum, & Administratorem à Serenif-  
 simo Casimiro renuntiatum fuisse: Quantæ hinc  
 opes? quantæ diuitiæ? quantus splendor? Inui-  
 debat fortunæ, Regina, hominis tantæ. Senatus ob-  
 strepebat, sed vicit constans virtus, & fortia in  
 Rempublicam viri merita. Ille enim, ille fuit, qui  
 tanquam manus dextra, Regi, Regnoque inter-  
 uiuit; Hæc publica præmia: Quid priuatæ opes?  
 nil veriùs, quàm illud: Adfuit & census, & cla-  
 rum nomen Auorum.

#### ELOGIVM IV.

#### VTROQUE CORONATI CLARESCUNT.

*Cor decorat Sceptrum, diadema coronat utrumq;*

*Hæc tria sunt vni, credita rite, viro,*

*Prolem cor Regis, Sceptrum diademate pressum,*

*Commisssa imperij munera summa viro;*

*Talia TARNOVIOS decorant insignia, Regis*

*Sustinet hæc prolem, frenat & Imperium.*

Opes & diuitiæ vulgaria bona, has cerdo, has  
 Ianio possidet. Rectè enim communis Mercu-  
 rius, quem probi simul & improbi coluere Deum;  
 Rara avis in terris, pectus edomitum honesto, cui  
 illud donauere Superi, Sacrarium consilij fecere:  
 ô te beatum IOANNES à Tarnow Palatine  
 Sendomiriensis! In te Diuitem hanc penum ho-  
 nesti, vidit Rex Vladislaus, & tibi confidit; Quan-  
 tum? vt tuæ fidei & probitati filium custodien-  
 dum,



dum, Regnum administrandum dederit. Sæcula,  
vidistis ei secundum alium?

ELOGIVM V.  
NON AMBITIOSI

Hanc ambiunt vltimum.

*Cernis ut insigne auratum diademate Sceptrum,  
Circumdat viridi vitis opacâ comâ*

*Utq; racemiseris frons, surgit fertilis vuis,*

*Quid sibi nam queris, Stemmata tanta velint?*

*Sarmatiae quoties cingunt subsellia Regum,*

*TARNOVII quid agunt? luxq; decusq; manent.*

Ex ijs solis vniuersum Senatum resectum habes, Catalogum illorum pertexam. Nomina non-nisi indicabo; Tot sunt, quot ne verbo notatos tabula continere potest. I. Spicimirus Primus Comes Castellanus Cracouiensis, fundator Ciuitatis & Arcis Tarnouiensis, & Melsztynensis, vixit circa Annum 1280. II. Ioannes Primus Castellanus & Generalis Capitaneus Cracouiensis, Regni Casimiro Rege gubernator, Exercituum Dux Anno 1340. III. Raphael Primus Castellanus Volsiciae & Russiae Administrator, circa eadem tempora. IV. Ioannes Secundus Palatinus, & Generalis Cracouiensis, Gubernator Russiae sub Anno 1380. V. Iasco siue Ioannes Tertius, Castellanus Sadeceus circa idem tempus. VI. Spytko Secundus, Magnus Dux totius Russiae & Podoliae, vtriusque partis Ducatus Opoliensis in Silesia, Administrator,

Dlugos. ab  
Anno 1303.

Cromer. paf  
sim in Hist.

Pruiul. Mo-  
naster. Prze-  
vvorfc. 1394.

Erectio Té-  
pli Omniū  
SS. Cracou.  
1394.

Orichou. in  
Annalibus.  
Item

In Orat. ad  
Optimates  
Reipub.

Bielski.  
Strykovski  
Miechouta  
& alij Hi-  
stor. Polon.



strator, Palatinus & Generalis Cracouiensis, Supre- Cromerus  
Orat. in Si-  
gismun. I.  
 premus Exercituum Dux, circa Annum 1399.  
 VII. Ioannes Quartus, Validus dictus, Castella- Heideisten<sup>9</sup>  
 nus, Palatinus, & Generalis Cracouiensis, Exerci- Páprocki  
sub Stem-  
Lelivva.  
 tium Dux in bello Pruthenico, Anno 1430.  
 VIII. Spytko Tertius Castellanus Cracouiensis, Priuil. an-  
tiqu. sub  
Anno 1347.  
 totius Ruffiæ Generalis, Exercituum Dux in bello  
 Hungarico, circa eadem tempora. IX. Raphael  
 Secundus Castellanus Vislicia, Sendomiriens. Ca- Simon Sta-  
rovvolsk. in-  
ter Sarma-  
tia Bellat.  
 pitaneus, circa idem tempus. X. Ioannes Quintus  
 Felix dictus, Palatinus Lublinensis. circa An. 1483. Bonfinius  
Decad. 3.  
Lib. 6.  
 XI. Ioannes Sextus Amor dictus, Castellanus & Philip. Ca-  
limach. de  
rebus Vla-  
disl. Regis.  
 Generalis Capitaneus Cracouiensis, Anno 1512.  
 XII. Ioannes Septimus Palatinus Cracouiensis An-  
 no 1508. XIII. Ioannes Octauus, Castellanus Cra-  
 couiensis, Supremus Exercituum Regni Dux, toto  
 orbe clarissimus Sendomiriensis, Stryensis, Luba- Paulus Io-  
uius Lib. 42.  
Andr. War-  
gocki in  
Lib. Valer.  
Max.  
Bernard.  
Wapovvski  
in sua Hist.  
 censis &c. &c. Capitaneus, circa Annum 1561.  
 XIV. Ioannes Nonus Palatinus Sendomiriensis,  
 circa Annum 1515. XV. Spytko Quartus Palati-  
 nus Siradia, Petricouiensis, Ostrzesouiensis, Krze-  
 mionensis, Boleslauiensis, Czesztochouiensis, Brze- Heidefteni<sup>9</sup>  
de bello  
Moscouitic.  
 snensis, Krzesouiensis Capitaneus Anno 1557.  
 XVI. Stanislaus Primus Sadecensis Castellanus,  
 sub idem tempus. XVII. Ioannes Decimus, Mi-  
 les Sepulchri Christi, Castellanus Sandomiriensis,  
 Pilznensis Capitaneus, circa eadem tempora. Gasp. Sie-  
mek in La-  
cone.  
Christoph.  
Warszeuici<sup>9</sup>  
in operibus  
varijs.  
 XVIII. Ioannes Vndecimus Castellanus Woyni-  
 censis,



Author pre-  
sentis Opu-  
sculi.

centis, Sadecentis, Stryensis Capitaneus, circa An-  
num 1557. XIX. Stanislaus Secundus dictus Diues,  
Palatinus Sandomiriensis, Siradiensis, Boleslauiensis.  
Capitaneus, circa Annum 1568. XX. Stanislaus  
Tertius Castellanus Sandomiriensis, Buscensis,  
Stobnicensis Capitaneus, mortuus circa An. 1618.  
XXI. Ioannes Duodecimus Gratus dictus, Castel-  
lanus Sandomiriensis, Zarnouienensis, Korczynensis  
Capitaneus, circa Annum 1626. XXII. Ioachimus  
Palatinus & Capitaneus Wendenensis, circa An. 1640.  
XXIII. Michael Stanislaus Castellanus Woyni-  
censis, circa Annum 1646. Et quidem Ioachimus  
Valachicis & Liuonicis praelijs, virtutem suam &  
Martium ardorem, potissimum in expugnatione  
Arcis Wensteinensis probauit, vbi primariæ cohors  
Sueticæ, Vexillifero, manu propria, comprehen-  
so, atq; vexillo eidem erepto, fortitudinis suæ, non  
contemnendam retulit Lauream. Quem postmo-  
dum non ambientem, imò sæpius recusantem, vir-  
tus Senatorio donauit subsellio. Parnauienensis pri-  
mum, tum verò Wendenensis creatus fuit Palatinus.  
Nisi quòd tædio rerum mundanarum victus, vltro  
& sua sponte, Senatoriâ illa dignitate, multis instân-  
tijs ad Serenissimū Regem VLADISLAVM IV.  
factis, sese abdicauit, possessiones verò suas, vnâ &  
Capitaneatum Krzepicensem, cum omni Iure, &  
Dominio, Illustri suo THEODORO CAROLO  
Filio tradidit, vnicâ interea THEODORA Filia,  
Illustris.



Illustriss. Dño. Leoni Casimiro SAPIEHA M. Du-  
catus Lithuaniae Procancellario, Heroi, si pruden-  
tiam, linguarum peritiam, consiliorum maturita-  
tem, & demum opum affluentiam spectas, facile in  
Lithuaniam Principi, in connubium collocatam. Ipse  
tandem praedictus D. Palatinus priuata sorte con-  
tentus, quo exactius suprema sua componat, omni-  
bus istis, quae speciosae, sed fallaci voluptate, alios  
delectant, & ad quae, humani generis, caeca cupidi-  
tas obstupefcit, contemptis; totum se penes Ca-  
nobium Klobucense Venerabilium PP. Canonico-  
rum Regularium S. Augustini, solidae pietati con-  
secrauit, vbi tota deuotione mentis, solitudinis il-  
lius singularis amator, in suscepti consilij constan-  
tia obfirmatus, Soli Deo, diuinisq; rebus vacat. Du-  
bium relinquens, maioremne laudem in Senatorio  
munere rite administrando, an in illo vltro depo-  
nendo sit fueritue promeritus? Nimirum felicitate  
mundanae nihili duxit, nisi cummularet sanctimoniâ.

Sequitur Illustrissimus MICHAEL Comes  
à Tarnow Praenominati Ioachimi Frater Germa-  
nus; Hic aetatem iuuenilem ab obsequijs Reipub.  
auspicatus, pro innato erga Patriam amore, in Ori-  
nensibus primum, vt vocant, versus Camene-  
cum, Metropolim Podoliae, campis, contra repen-  
tinum, eumq; ingentem Scytharum & Turcarum  
incursum, sub auspicijs & regimine Illustrissimi sui  
Parentis, Castellani Sandomiriensis, militiae rudi-

Anno 1639.

Author pre-  
sentis Opu-  
sculi.

menta



Ioan. Inno-  
centius Pe-  
tricius de  
bello Tur-  
cico.

menta absoluit. Tùm verò in Chocimenſi, quo  
nullum in Europâ maius, bello, præterquam quòd  
vnius & alterius cohortis, ſelectorum Haſtatorum  
Equitum (quos proprio ſumptu collectos aluit)  
ductor fuerat. Inſuper Commiſſarius, & magnus  
adminiſter belli illius, ex voto Reipublicæ, ſummis  
Præſidibus adiunctus, molem prædictæ expeditio-  
nis, pro re & occaſione, manu & conſilio ubique  
promptus, cum ſummo Patriæ & Domus TAR-  
NOVIANÆ decore ſuſtinuit. Et deniq; (quam-  
uis nec dum vt meritorum & gloriarum finis) ſub  
tempus Interregni poſt deceſſum piæ memoriæ Si-  
giſmundi III. Regis, de communi nobilitatis con-  
ſenſu Palatinatum Sandomiriensẽ, in tutelam ſuã  
recepit. Viuit etiam nunc Maiorum ſuorum egre-  
gius æmulator, Religionis Orthodoxæ, Regni, Re-  
gumq; ſuorum amator, ac propugnator, toties ad  
publica Comitia internuntius fidelis, ac Conſilia-  
rius fortis; Qui nuper in præmium tot, tantorumq;  
meritorum, non admiſſis alijs, & alijs dignitatibus  
longè maioribus, à Sereniſſimo Rege VLADI-  
SLAO IV. vtrò ſibi collatis (tandem ne deeſſe  
gloriæ Anteceſſorum ſuorum videretur) Caſtella-  
neatum Woynicẽſem admiſit, Heros, ſi quis, non  
maior vitæ, morumq; claritate, quàm pietate, Deus  
proſperet omen, vt & Illuſtris proles ipſius, dum  
à moderatoribus ætatulæ ſuæ, rectam viuendi ra-  
tionem accipit, à Parente ſuo Illuſtriſſimo ſumat  
& exemplum.

Atq;



Atq; hic est Catalogus Principum TARNO-  
VIÆ Domus, qui continuata successione Senatū  
Lechicum, quā consilio, quā opera, ac alijs rebus  
præclarè gestis illustrârunt, omnes habiti columi-  
na Patriæ, & Reipublicæ perennia decora, aucto  
semper lumine clariora, donec tandem Gentilitiæ  
suæ Lunæ splendoribus, totum impleant Or-  
bem. Ita Fiat! ita voueo!

ELOGIUM VI.  
TARNOVII VIGILES  
Bellorum Magistri.

*Lechiadum Princeps summi moderamina Martis,  
Militiæ cupiens Præsidis arte regi,  
Clauam insigne Ducis, sibi dum concedit, in omnes,  
Vnius ingenio traditur Imperium.  
Ergo TARNOVIVS sumptâ pro munere clauâ,  
Munus obit fortis militis, atq; Ducis.*

Huic laudi cedit genus, nec fului metalli conge-  
ries tantæ famulatur gloriæ. Nefas tribui auro, vel  
sanguini, quod soli debetur virtuti, at fir in vno om-  
nia. Vnus ille clauâ dignissimus. Quid opus lucer-  
nâ Diogenis? Notus est domi, forisq; IOANNES  
de Tarnow Castellanus Cracouiensis: Martis Sar-  
matici moderator supremus. Vidit Lusitaniæ Rex  
& Martij viri virtutem Polonia inuidit, quia Patriæ  
commendauit. Probauit virtutem æquè in arduis  
atq; extremis, Dux sex millium, fudit Moldauorū,  
sex supra viginti millia ad Obertinum; Moschum

Ionius  
Elog. Lib. 7.



ad Starodubum cuniculis subruit, stupēda hæc sua  
ætate fuisse, litteræ loquuntur. At illud rarum, &  
penè solius fuit. Vsq; adeò latè propagata fama ho-  
minis, vt Solymano Pañoniam inuadente, vnus ve-  
luti inuictæ virtutis, gerendo bello, Imperator  
à Germanis atq; Hungaris, Bohemisq; expetere-  
tur? Quanta vnus hominis vbiq; virtus!

## ELOGIUM VII.

E ROBUSTA VIRTUTE TARNOVIORVM  
non nisi robur.

*Ardue robustis quercus radicibus hæret,*

*Aridus hinc ramus truditur à viridi;*

*Aspice TARNOVIÆ præclara insignia gentis,*

*Poscebat quoties, seu toga, siue sagum,*

*Sic sic TARNOVIA, extendens sua brachia, quercus,*

*Egreditur robur robore, virq; viro.*

Sæpè à radice non diuersum pullulat germen,  
vbi ergo illud; Heroum Filij noxæ? Ignauos pre-  
mat, notet degeneres, TARNOVIORVM genui-  
na proles, natiuis vbiq; fulget coloribus. Quis fue-  
rit Ioannes à Tarnow Supremus belli Imperator,  
non repeto? Certè à Rege Sigismundo non tam  
honorario, quàm promerito præmio, cumulatus est,  
cùm ob nauatam contra Tartaros Reipub. operã,  
stipendium Publicum maximâ cum posteritatis ad-  
miratione, ab vniuersâ nobilitate, atq; adeò Regno  
ipso, accepit. Ad propositum festino. Martis Sar-  
matici Successores TARNOVII fuere. Ecce Tibi

Stanislaum

Cromerus  
Orat. in Si-  
gismund. I.



Stanislaum à Tarnow Palatini Sandomiriensis Filium, Sandomiriensem Castellani, Tuum Illustrissime MICHAEL proximum Genitorem, An non hic Maiorum suorum dignissima proles? Præter insignem, aliquot Interregnis Reipub. fluctuanti, priuatis opibus probatam operam, aduersus Moschum, præcipue verò ad Pscouum, maxima pars fortissimorum militum, Regi Stephano fuit. Sic TARNOVIORVM è domo veluti ex equo Troiano, Dux Ducè, miles militem, vir virum sequitur.

ELOGIUM VIII.  
 QVOTQVOT TARNOVII,  
 Tot & Viri strenui.

*Ecquis terrigenum fauces lacerare Leonis  
 Audet? vel linguam faucibus eripere?  
 Monoades tantum facinus fors strenuus ausus  
 Tentare? altisoni progeniesue Iouis?*

*TARNOVIIS hac laus tribuenda est iure Dynastis,  
 Quis vis Zargitis, robur & Herculeum.*

Quidam dicunt: Magistratus monstrat virum; mihi verò periculum est, quod monstrat virum: In hoc qui vir, qui strenuus, ipsa docet res; quem enim fugit, plerosq; domi suæ Leones, in campo ostendisse ceruos? Impatiens tantæ labis stirps TARNOVIA, veros illa Achilles, & viros Herculei pectoris Patriæ protulit. Quantus enim ille fuit, IOANNES de Tarnow ad Nicopolim, sub Rege Vladislao miles? Arx fuit Petressum, natura loci, &

Cromerus:  
 Lib. 21.



Párocki in  
Stem. Le-  
liwá,

artificij opere firma, Turcico præsidio firmissima;  
spes deditiois nulla, itur oppugnatur; TARNO-  
VIVS in maximis vtrinq; conatibus, primus mæ-  
nia conscendit. Ipse vexillum, ipse signifer, ipse tu-  
bicen, ipse Dux, ipse miles, ipse omnia; Exhorruit  
hostis robur, & audaciã viri, animo concidit. No-  
ster hostem premit, Ad arcem, ad arcem concla-  
mat, & præit. Quid? An non huic par nostra ætate  
eiusdem nominis, & gentis IOANNES à Tarnow,  
in Moschouia armorum, Castellanus Sandomirien-  
sis, Collega? qui in expugnandis propugnaculis,  
duobus famulis Piscorscio, & Raczynio commili-  
tonibus, globi instar tormentorũ ignibus excussi,  
ad ipsas portas, & mænia aduolabat, perq; muros  
fractos, & parietes disiectos, ingredi animosè teta-  
bat, ter ictus, ter recessit, ter redijt: ô quàm inauditũ  
fortitudinis exemplũ suæ dedit, hostibus audaciæ.

ELOGIVM IX.  
VBIQVE GENEROSE  
Mori parati.

*Fertur in æquoreis Rex ipse tridentifer undis,  
Tergora Delphinus præbet Arionius,  
Efferæ consurgunt aduersum monstra profundĩ,  
Ipse tridente minas Rex iacit horribiles,  
Vnica TARNOVII quantum mens conscia recti,  
In Patria potuit, volue, lege, atq; proba.*  
Generosa Comitum de Tarnow propago, cum  
Ciue Ciuis, cum hoste inducias nescit. Execrandũ  
quondam



quondam scelus, contra nobilitatem patrârunt Vr-  
bis Cracouiensis Incolæ: Andreas Tencinius expe-  
ditioni intentus, sclopetarium fidem fallentem, bis <sup>Cromerus</sup>  
malè mulctasse fertur. Sæuit ignobile vulgus, Ten- <sup>Lib. 24.</sup>  
cinium adoritur, fores effringit, claustrum violat,  
cæde tumultuaria, sædè & ignominiosè mactat, ra-  
pat, & rota Vrbe confossum & semiustulatum o-  
stentui habet. Quid Tencinij? queruntur. Sed  
Rex simulandum potiùs, quàm puniendum crimē  
ratus, furdus querelam accipit auribus. En tibi adest  
magna de gente TARNOVIVS, Castellanus Cra-  
couienſis, cui ab Amore cognomentum est, hic fre-  
quenti in Senatu, rem proponit, scelus exaggerat,  
grauitatem explicat, exemplum audaciæ, & inso-  
lentiæ, in Nobilitate malo Reipub. nunquam an-  
tea visum, datum cōmemorat, mouit, & permouit  
Senatū, atq; adeò ipsū Regē Oratio, vt absq; omni  
mora rei sceleris, debitas & memorabiles in semp-  
ternū luerent pœnas. Hiccine non in pace Ciuis?

## ELOGIVM X.

SEDARE OMNES PROCELLAS  
Tarnouijs innatum.

*Sarmata quid stringens gladium in ceruice togatus*

*Denotet? aut quid cor palma sinistra premat?*

*Expetit an rigidi tentare pericula Martis?*

*Otia num grate rumpere pacis amat?*

*Non hoc; TARNOVII latet hic, studiumq; salutis,*

*Pro Patriâ, pro omni Ciue, parata mori.*



Vt Græcis pallium, sic Latij toga insigne pacis,  
 & consilij fuit, & hâc insignes TARNOVII; In  
 promptu est IOANNES de Tarnow Palatinus  
 Cracouiensis; Hic Senator in toga, cùm vidisset  
 Vladislaum Regem Vitoudi consilio seu improbi-  
 tate persuasum, de integritate Sophiæ, Reginæ si-  
 nistrè suspicari, atq; ob eam causam à se ablegare in  
 Lithuaniam velle. Ergo Regem adit, quærit indu-  
 striè, quid pueris ex ea natis facere vellet? Respon-  
 dit Rex, secum eos fore, & in spem regni educari:  
 tum ille Herculeo penè pectore, Apage sis. Tunc  
 Reges nobis relinquere vis, quos ipse dum probro  
 afficis, pro tuis liberis non agnoscis? Frangit con-  
 stans vox indomitum pectus Regis; mox frequenti  
 Senatu, Duce & authore Tarnouio purgatur Regi-  
 na, Vitoudi franguntur machinationes. An non in  
 hac scæna togatus Senator fuit? Audi aliud, Vitou-  
 dus insidiatur Regno, retia expãdit, fortunæ auspi-  
 ciji Regnũ capere molitur, obsecuta profectò fui-  
 set fortuna cæca, Vitoudo, nisi Tarnouius, conatus  
 retudisset, primus hic & nouissim⁹ in togâ Senator,

Cromerus  
 Lib. 24.

## ELOGIUM XI.

Omnibus sunt præstò.

*Tollit in excelsum folio se Palma virenti,*

*Insidet huic magni præpes adunca Iouis;*

*Pendentes hinc inde hastas, sclopetâ, sagittas,*

*Distribuit, properans undiq; fertur auis.*

*Gens Tua TARNOVI, Palma est tot dotibus aucta,*

*An non hinc Patria præsidium atq; decus?*

Et pacis



Et pacis toga, & sagum belli, nota tessera. Hâc Viri Martij à Ciuibus, hâc bellicosi ab armorum rudibus; In hâc Tarnouij, & eximij, & ferè singuli, nullus paludatus vel togatus, quin priùs sagatus specimen dederit, & fortia fecerit; in summa, quisque TARNOVIORVM, Martem hæredem habuit. Bellonæ quisq; genuina propago fuit, vultum intueri. An non ex lineamentis Parentum? Memora fortissimum Regis Vladislai ad Warnam cō-  
 flictum: Inuenies & pugnæ Regis strenuos com-  
 militones, & discriminis extremi comites eximios, Ioannem Amorem, & Ioannem Gratum TARNOVIOS, Palatini Cracouiensis, par filiorum nobilissimum, par fratrum bellicosissimum, plusquã Castor & Pollux, non alternâ, sed parili face, aut orientes, aut occidentes nostro in cælo; sic illi foris. Iam domi, nil nisi gratiæ puræ & putæ, quin amari non timeri, obseruari non dominari volunt.

Cromerus  
 Lib. 21. in  
 fine.

## ELOGIUM XII.

TARNOVII ex vtroque constant.

*Verticibus sine, bina columna minatur Olympo,  
 Prasulis & Regis iungit utrumq; decus,  
 Utrasq; exornat diadema Sacerq; Tiaras,  
 Hoc proprio lucent, lumine TARNOVII  
 Defendunt commune bonum, Patriamq; Fidemq;,  
 O quàm securè stant Superi his basibus!*

Vicina hæc sunt, Pietas in Patriam, Religio in Deum; quæ duo si in vnius pectore, dignus profecto quem



Cromerus  
Lib. 5.

Privilegia  
Monasterij  
Przeworsc.

Erectio  
Monasterij  
Tarnouien.

Ad quem Parca timeant, alterum sine altero, aut instabile, aut minus syncerum. Vtrumq; & Possessorem posteritati, immortalem, & Rempub. felicē florentemq; reddit; hoc biuio ad gloriæ fastigium Tarnouiorum, peruenit, Generositas. Non sat gloriæ, clauam domi forisq; tractare, ni etiam sacris opulentam promant manum. Quot ab illis donaria Diuis? Spicimirus vt nomē Patriæ, sic & rem Christo dedit. Gnesnensem Tiaram sicut sponsam dote, Pastorem pedo, sic ille suo exornauit Spicimiro. Ioannes Palatin<sup>9</sup> Sandomiriæ & Russiæ Capitane<sup>9</sup>, in Familiam S. Augustini diues, quam vocatā Przeworsci collocauit, collocatam dotauit, ornatam ad hoc vsq; tempus conseruauit. Alter Ioānes Raphael Palatini Cracouiensis Filius, & ibidem Canonicus, Hic Præpositus Tarnouiæ, Ordini S. Francisci de Obseruantia, Domum Religiosam in eodem Oppido erexit, & munificē decorauit erectā. Fuere semper Tarnouijs, nec modo desunt, non minus ad ardua fortes, quā in Diuina liberales Spiritus. Haud illis surdæ ad querelas inopum aures, nec ad indigorum vota, in sinum repōstæ manus, patet aditus succurrendi Religiosorū necessitati. Rati nimirum, sic plenē & tutē diuitias & opes, quando vsu largiendi desinunt, possideri.


---

*Ad Maiorem DEI laudem, DIVAE NOSTRÆ CLAROMONTANÆ  
HONOREM, ILLUSTRISS. DOMUS TARNOVIANÆ PERENNE DECUS*




ut  
ef-  
cé  
m  
o-  
o-  
ria  
ri-  
e,  
o.  
e,  
e-  
ad  
el  
us,  
de  
bi-  
n-  
r-  
ad  
li-  
us  
-







Biblioteka Jagiellońska



stdr0010272



